

任潮先生自川同乘民族輪至南京自日間時談先師劉止唐先生學說並送

古本大學質言錄示三十年前在北京曾研討劉學仰見卓識本為劉子三傳內

人從事為仁養氣之學四十餘年養成一片悲心發願救世故辭悲願居士此母係民國十八年

作鍼灸當時好戰軍閥為人人欲言而未言為人人欲言而不敢言之父又恐為當時誤會而遭查禁

故請林主席以下

題字遂由上海佛

學書局出版行

於海內今日內載較

# 仁言

前尤以此母似為對症良藥 邵君子先生

此上時本 曾送有二三冊請轉送其在台者自我

公亦久抱悲憫人之懷謹送數冊仰祈

謝元量 署

教政並請各送數人倘亦採擇拙作為之而讀極有國分生民之幸其在斯乎 植誠安忠本敬贈 時年六月有五

128  
436.1




3 0539 5048 5  
IN U.S. THE LIBRARY OF CONGRESS PRINTS THIS BOOK FOR THE LIBRARY OF CONGRESS

# 仁言

謝元量署

A 230989



悲願居士不相見十餘年頃邂逅滬濱縱談  
竟日夕乃知其隱居鄉閭德日高貌益豐腴  
而汲汲憂國之亂民之病不可終日出所爲  
仁言見示何其深切著明可謂今之大文章  
也朝野上下皆宜人手一編乾始能以美利  
利天下仁者秉乾之道一言而天下誦之其  
利大矣

弟謝无量敬題

破俗儼世

林森



仁言利溥

于左



警世南鍼

黃郛



仁者之言

楊永泰題



迷津覺路

王用賓題





仁言利溥

呂超敬題



道之以德

集易堂題



聖

世

洪

鐘

聖世洪鐘  
光題



悲願居士



現身說法

## 自題小照

貌無威而骨有韻。眉目和而神氣堅。仰泰伯之至德。遵祖訓以不愆。蒙父母教誡。荷師友成全。承雙江學派。知三教真詮。守尼山四勿。視聽言動去非禮。而求衿影無慙。受佛門五戒。誓絕殺盜淫妄酒。終身持長齋而斷食殘。本忠信篤敬。曾涉波濤。行蠻貊。遭患難。遇寇盜。而履險如夷。夢穩心安。學老孔之行藏隱顯。修釋迦之出世因緣。爲各省區廳長。處長。局長。歷十年而不名一錢。任四川代表。一年兩度往返於京奉川鄂之間。遇當道下野。債台高築而賣故鄉田園。居中央府院部署要職。值政府南移。而曾作北平一度災官。舉我者曰清介。毀我者曰固頑。予實早視得失榮辱愛憎毀譽。恩怨冤親爲平等。發慈悲喜捨四無量心。於家於鄉於省於國。於此五濁惡世苦海茫茫中。抱救濟大願而作渡人舟船。佛曆二千九百五十六年己巳歲悲願居士識

## 仁言序

余甲辰入詞林後。旋丁內外艱。回里守制。戊申服闋。同知弟悲願居士結伴入都。時欽派出洋留學已停止。奉命入京師法政學堂肄習法政。居士亦考入是校。同學同居。先後四年。朝夕互以德業相砥礪。居士與余組織輔仁學會。約在京槐軒同門。講雙江之學。善相勸。過相規。策勵靜存動察。力行爲仁養氣。當是時。京師法政學堂監督喬茂蔭先生。重居士學行。亦折節入會。會員中居士年最少。而養氣之學獨深。每星期聚會講學時。茂老以聞道有先後。推居士主講。居士內功深純。談理入微。有時講至義理真切。發人深省時。茂老以桑榆晚景。難竟聖功。且爲之泣下。夫茂老之虛己下心。髦年劬學。固不可

及。而居士以少年主講。能使前輩降心受教。尤爲難得。蓋其中養之也厚。故其發之也宏。其修己也誠。故其感人也深。居士往歲交卸四川高審廳長後。服官外省。距今還鄉。相別十年矣。而學養更深醇。中間敷歷京外。所至有聲。殆以菩薩乘願而現宰官身歟。居士學本雙江。道宗孔孟。能知行合一。其堂上二親相繼逝世後。發願報父母恩。茹素三年。嗣又加受佛戒。終身長齋。而其廉潔持躬。清風兩袖。猶是昔年長四川高審廳時。居士抱悲天憫人之懷。鑒於當代多患貪殘不仁之病。作仁言一書。以爲對症良藥。融會孔孟佛老之理。而歸於一仁。其闡發因果報應。死生輪迴。以儒經證明佛典。更見其理明確不易。世人妄云奉佛學道爲迷信者。讀之其亦可以廢然思返矣。居士以宇宙真理。發爲文章。信手拈來。頭頭是道。爲近今救世至文。閱

者倘能因文以見道。覺悟而回頭。國家生民之幸。其在斯乎。余與居士早年共師事雙江劉子維先生。習存養之學。維師歸道山後。又同師其姪仲韜先生。三十餘年金蘭至交。知之最深。爰爲評其眉而序其端。以表歡喜讚歎云爾。

天彭如小兄賀維翰拜序



## 仁言序

余嘗讀論語及左氏傳。觀孔子生平於季路。冉有。公西華。陳文子。鬬穀於菟諸賢。均不許爲仁。獨許九合諸侯。不以兵車之管仲。不毀鄉校之子產爲仁。一弭內爭。一通民隱。其救世之心。昭然若揭矣。晚近狃於功利。樂戰爭。弋財賄。凡己之所不欲者。悉舉而加諸人。奇袤僨興。四維盡失。其勢不盡驅人類而禽獸之不止。嗚呼。孔孟爲迂談。詆老釋爲逛迷。同流合污。相與蹈於陷溺而不自覺。所謂本心之仁。漸滅斷喪。無復毫髮之存。余每念此。未嘗不。太息流涕而恨無術以挽救之也。悲願居士。以儒家而兼治法家。且又性耽老釋。遂於雙江之學。十八年夏還蜀。數相促談。間以余夙懷之所疾者面詢之。請爲發表。

文字。以醒當世。居士乃著仁言一書以相示。其義宗孔孟而旁及道釋。爲今世爲鬼爲蜮者。痛下鍼砭。言之不足。長言之。長言之不足。復反覆言之。欲將人類澌滅。斷喪之仁。復取而納諸本心之中。其功不在管仲子產下。吾意孔子見之。必將以仁許居士。可斷言也。昔人謂讀陳情表而不動心者。其人必不孝。讀出師表而不動心者。其人必不忠。余亦謂讀仁言而不動心者。其人必不仁。和緩在前。幸勿自諱疲疴。而拒肘後之奇方也。今同人將刊印以覺世。來旬序於余。爰爲發其凡。以質諸知言之君子。

民國十八年八月

營山鄧錫侯拜序

## 仁言序

陳蘭甫東塾讀書記謂古人造字其意精微如仁字從二人卽所謂相人偶也。原注阮芸台論語仁論之說。朱子云人之與人同類而相親蓋宏胞與之量廣饑溺之懷視斯民如一身視四海如一家而仁之量始備昔之言仁者溢於簡策扼其樞機必貴實踐是以孔子謂力行近乎仁悲願居士力學有年藹然仁者鑒於當世兵爭不息禍亂相尋本其惻隱之懷著爲仁言以相示於握兵權恣橫逆者言之尤痛切居士承雙江學派復遂於孔孟佛老之學孔云誠意正心孟云知言養氣佛云萬法惟心老云大道無名皆反求於此身方寸中者也故王陽明謂去山中賊易去心中賊難使非方寸清明則假乎甚美之名以行

其甚私之計。正莊子所慨爲負之而趨者也。居士此書將爲同人鑿以牖世。所願讀者悚惕於屋漏且明之地。以實踐於仁民愛物之略。則斷不至生心害政。而海宇乂安。庶可企矣。

大邑劉文輝拜敘

仁  
言

八

# 仁言

左縣悲願居士著

天彭寄廬主人評

己巳仲夏。余還蜀來省。承鄧晉康軍長殷勤枉顧。下詢仁學。囑爲發表文字。以醒當世。爰不揣冒昧。本孔孟佛老至理。四子六經精義。因果報應要旨。死生輪迴真諦。暨古今治亂。中外局勢。略爲陳述。與夫當道病根所在。痛下鍼砭。人民困苦情形。力爲表曝。本忠告善道之誼。抒涕泣奉勸之忱。言之無罪。聞者足戒。擬仁言一篇。非敢言學。不過盡量發揮仁之精神。廣爲詳言仁之要義而已。方今國危矣。民困矣。各方受病深矣。良藥苦口。棒

喝當頭。直言無隱。藉發深省。海內仁人。原其心而恕其妄。幸甚幸甚。

方今之世。殺機日熾。戰端日開。爾詐我虞。此戒彼備。以強陵弱。以衆暴寡。相爭相奪。相砍相殺。惡因惡果。互爲循環。自業共業。迭相增長。直至民生日敝。風俗日偷。天災流行。人禍時見。甲起乙仆。丙倒丁興。其卒也。載胥及溺。同歸於盡。一言以蔽之曰。不仁而已矣。

同歸於盡四字。證之往人事。能令人悚然。

仁則天清地安。富則各界相安。

夫仁根原於太極。散著於羣倫。天之所以爲天。地之所以爲地。人之所以爲人。國家社會之所以爲國家社會。政治教育之所以爲政治教育。官吏軍旅之所以爲官吏軍旅。士農工商之所以爲士農工商也。使天不仁。則失其覆物生物之恩。地不仁。則失其載物長物之德。人不仁。則失其君臣父子兄弟夫婦朋友之義。

君臣以尊卑言。故易經家人卦。子稱父曰嚴君。

類字宙有情萬  
仁。歸本於

三教聖人。  
咸以仁爲精

。禮記子婦稱舅姑。曰君舅君姑。古朋友亦稱君臣。民國雖無君之名義。然不能不有尊卑名分。故仍沿倫理名詞立言。國家社會不仁。則失其禮義廉恥孝友睦婣任卹之誼。政治教育不仁。則失其裁成輔相智仁聖義中和之方。官吏軍旅不仁。則失其廉潔勤慎保國衛民之道。士農工商不仁。則失其安分守己敬業樂羣之序。

推而至於方內方外。世出世間。各教各學。各宗各派。亦莫不以仁爲澈始澈終之真精神。更推而至於人與非人。飛潛水陸。胎卵濕化。無足二足。四足多足。一切有情含生賦氣。具血肉知覺運動之倫。亦莫不以仁爲生活存在之大根本。故孔子大聖人也。曰修身以道。修道以仁。又曰。依於仁。苟志於仁無惡。孟子大聖人也。曰。仁者無敵。又曰。天子不仁。不保四海。諸侯不仁。不保社稷。卿大夫不仁。不保宗廟。士庶人不仁。不保四體。老子大聖人也。以慈爲寶。稱爲仁人。爲孔子師。



雙江劉子發  
明天理良心  
之義較王  
明陽先生致  
良知之學  
尤直切了當

人知肉身之法  
內尚有不修  
身不自感於  
持而利於  
聲色貨利外  
蓋內重則外  
自輕

釋迦牟尼佛。大聖人也。釋迦華言能仁。以慈悲救世。稱為仁者。蓋仁即慈悲。慈悲即仁。質言之。即劉子所謂天理良心。為仁是也。天理良心為人所恆言。易知易行。數千年來相沿。無男女長幼貴賤。與夫漢滿蒙回藏。東西洋各國人士皆知者。何謂天理良心。劉子所謂天理。即為心之良。心之良始為天之理是也。仁在天為天理。在人為良心。一而二。二而一者。故知天必先盡性。盡人可以合天。全仁則為聖人。得半亦為君子。去仁則為禽獸也。

仁主生生。天地之大德曰生。宇宙間理之所宰。氣之所行。皆一仁之彌綸布濩。無仁則天地亦為死物。何言乎人。又何言乎物。凡人形骸為假。性命為真。性命之根源為仁。仁者。肉身之內。修有法身。肉身有壞。法身長存。仁字從二人。二人為仁。即假我中之真我。肉身中之法

仁爲五禮智信  
性皆根於五  
性孔子曰仁  
吾道一以貫  
之是也

軍人如不好  
好殺必好戰

身也。又具利己利他之義。卽自他兼利。始爲仁也。仁在人身。如桃杏李果之有仁。桃杏李果有仁。始能發生根核枝幹。人身有仁。始能發生義禮智信。仁義禮智信爲五性。五性實止一性。一性卽仁也。人患痿痺症。醫家謂之曰麻木不仁。可見人之手足運動。血氣流行。皆仁之所貫注者也。孟子曰。人之異於禽獸者幾希。幾希者何。卽仁是。故中庸曰。仁者人也。

人而不仁。不特無以爲生。且直同於禽獸。其關係詎不重且大哉。乃人不知自貴其仁。而反自戕其仁。縱欲敗度。好利忘身。終身營求。貪得無厭。賊害天理。迷昧良心。幸而得志。或爲武人。則爭地以戰。殺人盈野。爭城以戰。殺人盈城。殘民以逞。不惜犧牲百千萬人之生命。而作孤注一擲。其目的亦不過高官厚祿。擁兵自雄。由排連營團而旅

長而師長而軍長。督軍大總統而已。

以言乎保國。則國勢日阨危也。以言乎衛民。則民生日顛頽也。以言乎聯省。則省與省相爭也。以言乎自治。則道與道相攻也。日言民國共和。而多頭專制不知也。日言打倒軍閥。而重握兵柄不解也。日言鏟除封建。而割據一隅不改也。日言擁護中央。而各個自主不變也。日言實行統一。而分崩離析不差也。日言兄弟聯歡。而掉頭不顧。反面讎仇不恥也。日言團結一氣。而口血未乾。寒盟失信不卹也。日言政治維新。而捨本逐末。紛更煩擾不寧也。日言建設興作。而土木爲殃。縱欲逸樂不厭也。日言取法外洋。而徒尙皮毛。國粹喪失不惜也。日言愛國救亡。而醉心歐化。利權外溢不挽也。日言輕民負擔。而苛斂橫征。逼迫誅求不已也。日言裁兵撤防。而添募購械。擴充實力不

痛切時弊。  
發人深省。

董仲舒曰。爲政不在多言。願力行何如耳。今之爲政者。止尙空言標語。而不實行。是以民困國亂。

不忍不敢。忍爲敢爲。實爲仁不仁之樞紐。

止也。日言整飭紀綱。而犯上作亂。相習成風不息也。日言會議攜手。而各懷意見。貌合神離不覺也。日言開誠布公。而鈎心鬪角。言與行違不顧也。甚至言民生而民生日蹙。言民權而民權日削。言民族而民族日危。徒騰口說。言是行非。施盜鈴掩耳之計。作自欺欺人之談。無量數同胞人民。處於水深火熱之中。而莫之拯。困於顛沛流離之域。而莫之救。變哀矜惻怛之心。而爲暴戾恣睢之舉。全國皆然。罔知醒悟。不仁之患。可勝道哉。

夫仁亦多端矣。不忍爲。不敢爲。可以盡之。不仁亦多端矣。忍爲。與敢爲。可以盡之。仁者。不忍爲惡。不敢爲不善而已。不仁者。敢於爲惡。忍於爲不善而已。敢於爲惡。忍於爲不善。則凡快意滅理之事。無不可爲。起於心念之間。見於言行之表。發諸隱微之際。通諸六合之遙。長



清。釋。迦。佛。因。之。捨。國。出。家。修。行。了。道。  
 能。守。中。抱。一。止。至。善。之。功。止。自。能。修。身。齊。家。治。國。平。天。下。  
 內。養。有。得。發。諸。外。而。致。中。庸。之。內。而。致。和。焉。萬。物。育。焉。窮。則。學。孔。孟。達。則。學。伊。周。均。有。事。

生焉知死。莊子曰。善吾生。乃所以善吾死。釋迦佛出世。生死爲一大事。因緣。三教聖賢。皆重生死。可深長思矣。

人立身天地間。可憐爲長久者。爲仁作善。從事大學之道。守中抱一。由止至善。而格物致知。誠意正心。修身齊家。治國平天下。靜存動察。內外交修。涵養心性。敦重倫常。根於心。生於色。睟於面。盎於背。如易之黃中通理。正位居體。美在其中。暢於四肢。而發於事業。爲下則忠。居上則敬。待友以誠。處世以和。行仁講義。慈惠及人。施於一家。化於一鄉。暨於一省。推及全國。播乎世界。行其職之所當爲。盡其分之所能爲。去私遏欲。居敬窮理。念念存仁。事事依仁。立德立功立言。內成乎己。外成乎人。居天下之廣居。立天下之正位。行天下之大道。內聖外王。學養有素。劉子曰。知其道而道行。則以其身爲天下先。而教養

業。○劉子之  
言極粹。○  
位以令人  
入不得。○  
無素。○  
方今世界  
國者。○徒  
設者。○奢  
侈。○流。○  
其。○淫。○  
於。○亂。○  
世。○擾。○  
如。○古。○  
與。○之。○  
利。○聖。○  
真。○萬。○  
事。○建。○  
名。○功。○  
神。○立。○  
其。○一。○  
國。○講。○  
○。○注。○  
○。○意。○

仁言

一〇

天下之赤子。俾人人悉歸於聖賢。廢其身而道否。則以其心爲後世計。而維持天下之大經。俾人人不迷於趨向。又曰。得志而爲君相。則代天之功。萬物悉被其生成。不得志而爲師儒。亦闡天之化。隨在皆深其樂育。富貴不淫。貧賤不移。威武不屈。浩然之氣。至大至剛。直養無害。塞乎天地。生爲世間不可少之人。歿爲造化不可少之主。若大禹之治洪水。后稷之教稼穡。堯舜禹湯文武伊尹周公之行政事。孔曾思孟老子釋迦之行教化。秦太守李冰父子治蜀水之繼禹神功。除患興利。觀音達摩文昌關聖。爲蒼生之到處顯化。隨方應迹。不恃生而存。不依形而立。仁德化民。萬古如新。天地有壞。精神不滅。空而不空。無常而有常耳。

否則不仁之害。害於一心。害於一身。害於一家。害於一鄉。幸而得志。

仁則如古之  
堯舜禹湯公  
武伊尹老  
孔孟佛如  
不仁則如  
之德人皇威  
矣。其關係大

中國國勢危  
迫不可全  
息爭不尚  
禦侮不團  
孟子曰其及

刑時雖大國  
必畏之。山  
語云。藜藿  
為之不探  
強隣有子改

害於一省。害於一國。禍及世界。聖狂界限。分於一念。一人心量。其力無窮。孟子曰。仁者宜在高位。不仁而在高位。是播其惡於衆。如近今德皇威廉。執掌國政。去仁尚力。縱巨大之野心。啓歐洲之血戰。綿延五六年。騷擾數十國。死亡幾千萬。動開闢以來戰爭未有之殺劫。是其一例。仁則如彼。不仁則如此。是在人之自擇者也。

嗟乎。今時何時。今世何世。強隣環處。其視眈眈。其欲逐逐。若奉天南滿。若庫烏科唐。若前藏後藏。已爲外人經營窺伺。危如累卵。將岌岌不可終日矣。至於朝鮮台灣失於日。而福建之藩籬撤。安南龍口失於法。而雲南之藩籬撤。香港九龍失於英。而廣東之藩籬撤。天津漢口。南京上海。及長江各商埠。列強兵輪咸集。與夫共管聲浪。騰於全球。均在在可危。更不待言矣。凡爲國人。勿忘國恥。明政刑於國內。立

仁言

一一



容。自古如斯。於今爲烈。十餘年來。內戰不息。皆爲各方首領。各一念之差。不爲民而爲兵。已爲不仁。更爲不義。重兵而餉不給。徒爲一己之貨財。尤爲私囊者。不仁。十餘年來。內爭結果。致令全國貧困。

仁言

信教忠。保喘息於會稽。臥薪嘗膽。魚游沸鼎。寧蓮葉之能戲。燕處燦堂。豈稻粱之可樂。盲人騎瞎馬。夜半臨深池。未有以喻現今之危也。而全國軍人。方且內爭不息。操戈同室。以保國衛民之兵。轉而禍國殃民。置邊防外患於不顧。戰後思量。良心難昧。未嘗不爽然若失。始爲一念之差。遂致畢生莫贖。坐使神州陸沉。將瀕危亡。何不仁之甚也。夫以民國既表示主權在民。應以民爲本。何以實際上不爲民而爲兵。不爲民國而爲軍國。試以一省計之。養兵數十萬。一國計之。養兵數百萬。吸盡數千萬萬人之膏血。取民數十倍於前清。每歲一省收入數千萬元。一國收入數萬萬元。悉耗於養兵之一途。勇於內爭。徒奮私鬪。而備置鎗械。補充軍實。又以人民血汗之金錢。鞭笞拘繫。錙銖取來者。如泥沙而散諸外國。使一省一國之金融枯竭。素

。可爲浩歎。  
 爲萬民伸冤。  
 讀此令人  
 痛哭流涕。  
 然而搜括民  
 財者。尙若  
 不覩不聞何  
 哉。  
 數萬金特指  
 其少數耳。  
 尙有揮霍浪  
 用者。不止數  
 萬金者。試  
 請當局清夜  
 捫心。能不  
 內愧。問孔子  
 子貢。有一言  
 而可以終身  
 行之者乎。  
 子曰。其恕  
 乎。己所不欲  
 人欲之。勿施  
 於人。

亂。百業凋敝。農村破產。生活程度。繼長增高。而陷全民於窮苦之境。  
 甚或不惜以數萬萬家之哭泣呼號。憂悲愁歎。典盡賣絕。忍飢耐寒。  
 鬻妻貼子。轉徙流離。填溝塞壑。懸梁服毒。刎頸撲河。所預上一年多  
 次。累進至民國五六十一年之田賦。及種種名目之苛派雜捐。爲少數  
 當局。隨心所欲。揮霍中飽。一宮室車馬而數萬金。一服飾玩好而數  
 萬金。一妻妾子女而數萬金。一嫖賭遊戲而數萬金。一租界建築外  
 行存放而數十百千萬金。又其甚。或數年一戰。一年數戰。塗炭生靈。  
 糜爛地方。寡數千萬人之妻而自私其妻。孤數千萬人之子而自私  
 其子。獨數千萬人之父母而自私其父母。破數千萬人之財產而自  
 擁其財產。毀數千萬人之田廬而自置其田廬。放眼一觀。多數軍閥。  
 若出一轍。是皆自私自利。不仁之一念。有以致之。嗚呼。韓昌黎所謂



姓下至庶民定  
 律何人逃  
 過經書因  
 以明佛典  
 證足見確  
 果是明確  
 關一見理  
 惟同是之  
 教果中源  
 因現形之  
 華後報之  
 報分報之  
 釋醒人解  
 以佛經善業  
 佛經均善業  
 業事均善業  
 字其義甚精  
 粹善治惡不  
 以不善治惡  
 得業是精

不差。古今不易。無人能逃。未有倖免。其有作善未即獲福。作惡未即獲殃者。蓋善不積不足以成名。惡不積不足以滅身。善惡種子。尙未成熟。時至果熟。自然受報。如十年樹木。下種子於十年前。而成材在十年後。三春開華。經秋結果。又如播穀農田。下種茁秧。出穗結實。時間須經過數月也。更有現報後報之分。華報果報之別。現前今生受報者。謂之現世報。死後他生受報者。謂之異世報。果報未熟。先受華報。華報受後。更受果報。福華孽華。因由人造。仁者身其康強。子孫逢吉。此華報也。死後生天界。轉人身。爲修羅。此果報也。不仁者。人皆賤惡。災禍相隨。此華報也。死後墮地獄。作餓鬼。變畜生。此果報也。佛經云。假使所作業。經過一百劫。因緣遇合時。果報還自受。所謂業者。卽身口意三業。統善惡而言也。譬如家業事業。不屬他人。歸於一己。不

○開花結果  
○自然受報  
○民國以來  
○一切禮法蕩  
○然。是以作  
○惡。利。以。然  
○而。報。應。亦。速。

史傳爲因果  
報應衆多公  
案。

不於其身  
必於子孫  
現眼現報  
歷歷可指  
能流勇退  
急致受報

仁言

一六

作不得。作已不失。時間經過百劫。苦樂仍歸自受。善卽仁。惡卽不仁也。是作善毋期近報。作惡終難僥倖。民國以來。報應甚速者。以作惡猛利。種子強烈。華果甚速。現緣成熟。如炎夏烈日暴雨。暑氣薰蒸。一夜成菌是也。

曠觀五千年歷史。凡國政。無論何時。仁則治。不仁則亂。凡人物。無論何人。仁則吉。不仁則凶。左氏傳及一部廿四史。亦不過因果報應善惡勸懲紀錄事實之表現而已。民國十八年以來。自總統督軍以至師旅團營連排長士兵。達官貴人紳商農工學。其爲不仁之結果。不有人禍。必有天殃。不於其身。必於子孫。甚快甚速。未有不受惡報者。若夫軍人受報。蓋以種因不良。結果自惡。佳兵不祥。殺人過多。不知急流勇退。作善挽蓋。禍福無不自己求之者。天固不能違背因果而



一。事。上。可。超。度。祖。宗。已。可。中。可。下。利。益。己。身。底。兒。孫。可。近。底。造。福。鄉。里。可。遠。救。濟。全。國。一。念。向。仁。萬。象。皆。春。苦。海。無。邊。回。頭。是。岸。

正。今。以。民。國。諸。不。仁。者。爲。鑑。可。知。吉。凶。善。惡。因。果。報。應。特。人。執。迷。不。覺。利。令。智。昏。不。知。回。頭。內。省。改。過。自。新。洗。心。革。面。而。自。訟。自。懺。耳。此。生。前。現。世。受。報。言。之。已。覺。可。驚。者。也。

又。況。死。後。受。報。尤。爲。可。懼。大。易。言。原。始。要。終。精。氣。爲。物。游。魂。爲。變。原。始。要。終。者。以。人。生。而。死。死。而。生。終。而。始。始。而。終。也。精。氣。爲。物。者。人。亦。物。耳。特。爲。萬。物。之。靈。統。胎。生。卵。生。濕。生。化。生。生。前。具。有。精。氣。之。物。而。言。也。游。魂。爲。變。者。死。後。靈。魂。浮。游。大。地。由。人。而。物。由。物。而。人。也。此。即。佛。家。三。世。輪。迴。之。理。三。世。者。前。世。今。生。來。世。也。輪。迴。者。言。人。未。加。修。持。生。死。遷。流。不。能。解。脫。生。生。死。死。死。死。生。生。如。輪。之。旋。轉。不。停。終。而。復。始。也。蓋。人。之。靈。性。長。存。又。名。靈。魂。亘。古。不。滅。有。善。有。惡。故。由。人。而。地。獄。餓。鬼。畜。生。世。所。謂。作。惡。墮。落。者。是。復。由。地。獄。餓。鬼。畜。生。而。爲。人。





修持。無形。死後。範圍。不體。能。自。主。也。隨。業。受。報。故。也。

爲仁作善。學道奉佛。了悟生死。免脫輪迴。長住極樂。豈不快哉。

古今聖賢。死後神均在。天極樂常在。住後樂常在。滅。萬古不能。

仁言

二〇

宰河嶽。司造化之柄。掌幽陽之權。天工人亮。神實人爲。傳說騎箕星。魏公驚櫪馬。孔子夢奠於兩楹之間。周官大宗伯半言鬼神。禮記詳言祭天祀神之制。易曰。聖人以神道設教。知鬼神之情狀。孔子曰。鬼神之爲德。其盛矣乎。洋洋乎如在其上。如在其左右。大學曰。十目所視。十手所指。其嚴乎。孟子曰。天與之人與之。又曰。天不言。以行與事示之。使之主祭之而百神享之。書曰。伊尹祠於先王。周公昭告鬼神。詩曰。神之格思。不可度思。矧可射思。相在爾室。尙不愧於屋漏。又曰。文王陟降。在帝左右。上帝臨汝。無貳爾心。敬恭明神。宜無悔怒。左傳晉侯夢大厲。太子申生得請於帝。鄭人相驚以伯有。子產且論魂魄。強弱。經傳所傳。此其明證。佛道經典。言天道鬼道。更爲詳盡。近西人列神學。鬼學。靈魂學。爲專科。鬼神攝影。確鑿可據。可見鬼神之說。實

凡鬼神則敬畏  
 鬼屋心則敬  
 室虧心則敬  
 以惡事則敬  
 作重奪者則  
 執重奪者則  
 生以殺子者  
 可以殺子者  
 如鬼不敬則  
 何惡不敬則  
 武故書稱湯  
 民曰敬天勤  
 曰慢神虐民  
 凡聖人皆心  
 清無欲下  
 能斷不為爭  
 地爭城為殺  
 不義而殺不

爲天壤間之至理。世界上所公認。仁者天牖其衷。不仁者天奪其魄。奸欺詐僞。可飾於大庭。而不可欺於暗室。隱微幽獨之地。無父兄爲之詔示。無師長爲之監督。起心動念。非敬畏鬼神。則爲仁之念不純。敬鬼神卽爲畏天命。凡講仁學。萬不可指六道中之鬼神二道爲迷信也。

孟子稱伯夷伊尹孔子。曰行一不義。殺一不辜。而得天下。皆不爲也。伯夷伊尹孔子三聖人者。蓋深知因果報應。死生輪迴。人命至重。死不復生。仁不仁之善惡業力。不差黍厘。與游魂爲變之輪迴轉易。苦樂懸殊。爲天子。有天下。不義富貴。等於浮雲。縱享榮華。亦不過數十年。而殺人償債。冤冤不解。世世相尋。無有已時。不仁不義。良心不安。曷若不造惡業。俯仰自如。素位而行。不願乎外。生而爲聖。沒而爲神。

不義。富貴。轉瞬。即過。而三途。受甚苦。業報。甚長。

然讀之令人悚汗下。

天堂地獄之說。不必引經據典。以待之。以對之。互勸之。見實有。地獄。天堂。白理。

仁言

故見理真而好仁篤。重天爵而輕人爵如此。不然。得國而有天下。亦人之所欲也。孰不願爲之。史載白起。冥中臥糞。秦檜數世爲犬。三途受苦。驢轉不離。殺不辜而行不義。能不令人悚然耶。昔有死後復甦者。靈魂游冥。見閻羅殿前聯語云。陰律森嚴。雖帝王將相必至。陽神冲舉。惟聖賢仙佛不來。以聖賢仙佛。未嘗行不義。殺不辜。陽氣上升。靈性解脫。無冤債相纏。故不入於幽暗耳。

夫因果報應之理。人多信之。天堂地獄之說。人每疑之。或云。人死何知。仁不仁。同歸於盡。不知天堂地獄之理。本易明白。蓋宇宙事物。原爲對待。有天卽有地。有陽卽有陰。有人卽有物。有神卽有鬼。有善卽有不善。有仁卽有不仁。有空卽有不空。有壞卽有不壞。有有形世界。卽有無形世界。有極樂天堂。卽有極苦地獄。數旣對待。理本尋常。經

世之無識者  
了。謂人死即  
世。○皆爲斷  
滅邪見。○

大惡不仁之  
人。何人無如  
之。何人死後  
阿鼻地獄。而  
正爲此輩而  
設。

傳所傳。歷史所載。佛道經典之所闡發。人世耳目之所見聞。彰彰可考。無可置疑。使仁不仁同歸於盡。則人必將憚於爲仁。安於爲不仁。其禍世殃民。實非淺鮮。佛氏謂三世因果。靈性不滅。孟子謂生於憂患。死於安樂。與夫人爵天爵。此又何說。不過六道輪迴。死生幽冥之理。六經四子。文字簡約。多引而未發。佛經道籍。文句詳明。務窮形以盡類耳。安可以凡夫肉眼之所不見。而遽謂無天堂地獄哉。又安可執斷滅邪見。而妄謂仁不仁同歸於盡哉。且六道輪迴之期。時間甚長。三世因果之理。定而不易。而地獄餓鬼之壽命。動至數百千萬年。地獄一道。尤爲苦痛。大惡不仁之人。甚有墮阿鼻地獄者。印度言阿鼻。卽華言無間之謂也。佛經所謂墮五無間地獄者。卽苦無間。地無間。空處無間。時間無間。壽命無間之謂也。人何苦以住世最。短。易。壞。

人言也。將死。其善性。將脫。其靈性。將應。其形體。將象。離之現善。有欲作善。然無前愆。已無及矣。世之為惡。不仁及人。醒何。

仁言

二四

不堅之軀。不為仁以福國利民。生天受樂。而甘為不仁以亡國敗家。造動經長劫。無有出期。三途中之地獄餓鬼畜生種子。使靈性受盡痛苦哉。莊子謂生夢也。死醒也。以人之生前未加修養。則氣拘物蔽。作事多營營。死後靈性無形體拘束。豁然醒悟。生前所造。仁不仁之善惡業力不同。而歿後之苦樂自殊。迨至受地獄餓鬼畜生之苦者。其後悔亦已遲矣。

是蓋不講仁學。不知為仁。以孝弟忠信禮義廉恥為輕。以聲色貨利權位勢力為重。知見顛倒。本末錯置。習與性成。不知其非。遂盈天下多不仁矣。昔王姚江以致良知之學為仁。講學授徒。厥後平宸濠。征思田。勳績爛然。其弟子遍中國。咸能矜尚氣節。成為有明一代學風。近代曾湘鄉少年講學。為仁養氣。及壯。統湘軍。平洪楊。戎馬倥傯。未



又。不。求。明。師。益。友。多。趨。承。左。順。人。獨。施。斷。以。旋。失。當。之。起。以。危。困。因。及。災。民。念。及。困。苦。之。衆。多。苦。况。之。人。不。安。令。人。不。甘。味。以。食。不。均。屬。痛。癢。氣。同。相。關。之。曰。孟。子。之。義。人。之。安。宅。也。路。弗。居。而。弗。捨。正。路。而。弗。

仁言

茫茫殺劫。伊於胡底。人爲三才之主。人事變於下。天象垂於上。年來不仁感召。戾氣上干。違背天和。各省兵災旱災水災震災。相繼而來。饑民已達數千萬。乃至數萬萬人之多。陝西甘肅。且赤地千里。甚至易子而食。死屍充飢。慘變奇災。爲古今所罕聞。明末流寇之禍。恐將再見於今日。國內何不彼此讓步。何忍同胞戰爭。虛糜糧餉。置彼饑民於不顧。思之令人痛哭流涕。寢食難安。不寒而慄也。

不佞不學無術。俯仰懷慙。惟幼承先父禹和公庭訓。長荷劉公子維賢仲韜先生師教。習聞仁學久矣。從政十餘年。足跡半中國。飽經世變。洞悉國情。深知欲救危亡。離仁無方。欲息內戰。捨仁無術。值此人心陷溺。尙力尙霸尙貪尙詐之時。譬諸苦海沉淪。而以仁作舟楫。洪水橫流。而以仁作砥柱。曠野迷路。而以仁作導師。陰霾漲天。而以仁

由○衰○哉○  
爲○天○下○後○世○  
不○仁○者○一○  
篇○祭○文○

心○念○言○行○  
悉○依○天○理○兩○  
句○望○閱○者○  
注○意○能○依○者○  
不○天○理○何○至○  
不○仁○

各○方○軍○閥○能○  
如○此○內○爭○  
立○息○

尊○重○舊○日○道○  
德○保○存○固○  
有○國○粹○爲○  
現○今○對○症○良○  
藥○

作旭日。岸谷墜落。而以仁作接引。堂室黑暗。而以仁作巨燭。久病狂熱。而以仁作甘露。中心失守。而以仁作安宅。民國以來。軍人執政。表端影正。風行草偃。軍界尙仁。尤易挽回。俗所謂解鈴仍是繫鈴人。卽以其人之道。還治其人之身。孔子謂以人治人。改而止者是也。伏望今之軍長也。軍佐也。幕僚也。兵士也。農工學商也。人人發大慈大悲之願。尙仁去暴。尙廉去貪。心念言行。悉依天理。無求生以害仁。有殺身以成仁。化除私見。共起救國。身體力行。蔚爲風氣。作一方之模範。樹全國之風聲。由近及遠。由小推大。由一軍以及於各軍。行於各界。推及全國。化乎世界。咸勝殘去殺。愛民息戰。講信敦睦。修德行仁。知足常樂。知止不殆。尊重舊日道德。保存固有國粹。溫故知新。敦厚崇禮。如昔年太平盛世。全國所通行。深中於人心之所謂敦孝弟



此十六國號年  
 吾國數千條  
 所通界古  
 稱世化其在精  
 神。文。即。不。何。於  
 此。神。均。行。之。則。可  
 體。行。均。行。之。則。可  
 離。去。之。為。立。則。可  
 治。實。為。立。則。可  
 亂。實。為。立。則。可  
 本。立。為。立。則。可  
 國。立。為。立。則。可  
 後。講。立。為。立。則。可  
 庶。不。致。捨。本。  
 逐。耳。捨。本。

仁言

以重人倫。篤宗族。以昭雍睦。和鄉黨。以息爭訟。重農桑。以足衣食。尙節儉。以惜財用。隆學校。以端士習。黜異端。以崇正學。明禮讓。以厚風俗。講法律。以儆愚頑。正人心。以培國本。務本業。以定民志。息誣告。以全善良。誠逃匿。以免株連。完錢糧。以省催科。聯保甲。以弭盜賊。解仇忿。以重身命。此十六條也。由仁行義。因義行仁。合乎孔孟。通乎六經。本末兼賅。體用悉備。理本至中。至正。事屬良知。良能。爲修齊治平之本。實體國經野之道。其法良。其意美。唐虞夏商周創之於前。漢唐宋元明清守之於後。康雍乾嘉。釐定此條。上下遵行。而天下治。咸同光宣。驚於外說。輕忽此條。而天下亂。民國以來。人自爲說。廢棄此條。而大亂不可收拾。長此江河日下。國將不國。易曰。不遠復。大無咎也。果能反復其道。庶可立見天心。由亂而治。易如反掌。劉宥齋三寶書云。

方今。外洋。各發。達。生。產。過。剩。機。織。成。全。球。經。濟。恐。在。過。於。發。達。之。後。孔。孟。佛。老。儉。樸。質。實。之。化。也。實。有。救。世。之。道。惟。有。反。復。其。道。去。奢。崇。儉。力。尚。收。斂。安。可。轉。危。為。未。日。也。人。類。之。中。國。全。體。如。講。真。正。愛。國。之。人。忍。卓。絕。之。刻。

今之所謂緊急問題者。曰家族。曰經濟。曰治安。家族以慈。經濟以儉。不敢為天下先。又治安之本。所謂以禮讓為國是也。且也外人尚剛。而我以柔勝之。外人尚巧。而我以拙奴之。外人尚浮華。如盧陽外越。有時而竭。終於自殺。我則尚收斂。能博厚悠久。含宏蘊蓄。終必光昌。孔子曰。清斯濯纓。濁斯濯足。自取之也。國不自伐。人何能伐。不造亡國之因。自無亡國之果。以忠信為甲冑。以禮義為戈櫓。遠師孔老佛之仁慈廣大。近法聖甘地之堅苦愛國。各界有自強不息之心。人人無虛偽頹惰之習。團結一氣。眾志成城。匪惟可以默消國內之浩劫。亦並可以立去國際之外侮。化干戈為玉帛。變凶戾為吉祥。則天人感召之際。剝復轉移之機。莫之為而為。莫之致而至。良因善果。一氣潛孚。上下相通。應若桴鼓。景星慶雲。昭中天河漢之瑞。醴泉甘露。著

苦自勵。儉樸實。奢黷華。勤去。萬年可杜。金。外溢。國。富。立。富。國。富。自。強。外。悔。從。何。至。哉。

以中國和平。文化挽回。世界劫運。同。法。趨。於。大。效。

爲軍閥談。亦可謂盡美。盡善矣。是。之。謂。苦。口。婆。心。寄。廬。主。人。評。

仁言

大地博厚之恩。時和年豐。民安國泰。內爭永息。外患不作。偃武修文。去兵還農。歸馬於華山之陽。放牛於桃林之野。培養元氣。與民休息。化盡慳貪。博施濟衆。天下在宥。參贊化育。補天地生成之缺。宏民物胞與之量。撥亂反正。太平大同。孔子所謂均無貧。和無寡。安無傾。必可次第實現。人人親親長長。老老幼幼。天之所覆。地之所載。凡有血氣。莫不尊親。英雄造時勢。人定可勝天。黃金世界。華胥國土。東方文化。燦爛光明。作全球之表率。爲萬國所瞻仰。安知不可見於今日之中國耶。而曾握兵權擁厚貲者。亦可以逆取順守。安富尊榮。長養子孫於無窮。永享家人父子兄弟夫婦朋友之樂。且與民同樂。舉世熙熙。如登春臺。豈不懿歟。豈不懿歟。賈生常痛哭。屈子任悲歌。雅曲知音。仁言利孔多。斯人終憤。憤忠

告奈他何。祇有文章在。千秋總不磨。

愚弟尹昌衡拜題

殺機觸發瀾天地。九法淪胥亦可傷。祇此救時心一點。挽回浩劫渡  
慈航。

孔孟佛老道自同。洗心是藥別無功。寫出一卷尋常語。濟世回天在  
此中。

成都孫震拜題

學派衍雙流。真言喜并收。仁傳醫世藥。法作渡人舟。上質稱三月。洪  
濤慨九州。倦游吳季子。名論邈千秋。

同學弟程澤潤拜題

如晨鐘警世。似暮鼓發聾。可以挽浩劫。是之謂仁言。

仁壽唐式遵拜題

起陸龍蛇應運來。忍聞大地哭聲哀。瀏陽當日倡仁學。同抱民胞物  
與懷。  
鬪角鈎心逞內爭。果然壓境召強隣。祇今仍是仁無敵。誰肯成仁救  
國羣。

簡陽陳鼎勳拜題

若欲解除環境  
的迷悶，而認  
識宇宙人生的  
真諦者：敬請  
閱讀佛經！

上海佛學書局備有各種  
佛經目錄，函索即奉。

佛經，乃是萬古不刊的聖言，乃是包羅萬有的淵海，乃是心行並重的寶典，乃是圓滿無漏的義學。有些人看見佛經中的義理高深玄邃，便說佛學像哲學；又有些人看見佛經中的事物錯綜歷然，便說佛學像科學；乃至將佛學比之社會學，倫理學，宗教學，以及最優美的文學等。佛學固然擅具各學問之長；其實這都還未能如佛學的超脫徹底，美滿無缺，真實受用，致大福利呢！諸君欲知此中的真諦，求得真實的福利，而對於宇宙人生加以深切的認識乎？敬請閱讀佛經！

# 仁言

全一冊

中華民國二十四年六月再版

◎每冊定價大洋五分

(外埠酌加郵匯費)

著述者 悲願居士

出版者 佛學書局 沈彬翰

總發行所 上海佛學書局

分發行所 佛學書局分局

分銷處 外埠佛經流通處

分銷處 外埠佛經流通處

- (一) 滬西分局：上海麥特赫司脫路電話三二四〇
- (二) 中區分局：上海山東路福州路電話九二七九
- (三) 閩北分局：上海閘北新中路電話四二三四
- (四) 長沙分局：湖南長沙玉泉街七十四號
- (五) 杭州分局：杭州西湖龍翔橋電話三一四九
- (六) 北平分局：北平東四大街電話東局二二四四



20

28
36.1